

3 YOHANES Yohanes Ovoli Ɔlalɛde

^I Ovoli kɔ̃ to yĩ, asoli lɔto ɔnyane sekẽ. Ntsele ye mamena Gayo kɔ̃ maátunɔ kale, kɔ̃ mawe kale ne ɔnokɔali kame leme.

^{II} Yĩ ɔkɔba kɔ̃ maátunɔ nɔ kale, mabɔa mpaɛ kɔ̃ letsa nye letsa lele lekpa nɔ, kana akũ ɔsĩ leme. Mate kado kɔ̃ nɔ hũhũ leme deĩ kadeĩ wĩ. ^{III} Mmó kawɔle paa kɔ̃ boe bakɔba bate badone badi yabi yĩ ayekĩ opini ɔnokɔali kale a nde ayekĩ opi ke kɔkɔɛ a. ^{IV} Kɔ̃ nnu kɔ̃ yĩ babi dzi nkpã ne ɔnokɔali a onukpẽ a, mmó kawɔle paa.

Bate Badone a Mu Gayo.

^V Yĩ ɔkɔba kɔ̃ maátunɔ nɔ kale, adi ɔnokɔali paa ne adzuma a kɔ̃ akena a kame kakpa nɔ bakɔba bate badone, titiliwu banɔvɔẽ.

^{VI} Beyabɔa asoli bati a amanie ne ɔdo a kɔ̃ odeĩ ɔkpa be a akũ. Make nɔ aduli kɔ̃ bumɔ be nde ayekĩ foteta ne Baguma adzuma kakena kame, lɔkɔa benaa lɔto ne be osi katsã kame.

^{VII} Kitonekĩ Kristo adzuma sũ bipi osi ade betáte kabumena kadima bitomena amamufɔ a sekẽ a.

^{VIII} Foesũ kene kɔ̃ bɔabumena bati kɔ̃ odu ayekĩ bóanye bɔtsa kɔ̃ bɔmó be flee bɔnye bakɔba ne adzuma kakena kame bɔkpa ɔnokɔali a.

Yohanes Le Kale Ne Diotrefo Mɔ Demetrio Akũ.

^{IX} Ntsele ovoli lukũ mmena asoli bati a, leme Diotrefo kɔ̃ ebɔɛ ye akũ nde lɔto ɔnyane aye, tábu yĩ edo ne letsama kame. ^X Foesũ nte ãya

ni, maavele mi adzuni nnamena letsa nye letsa kī ekena akū. Maale fotsa kpa a kī yale ne boe akū mɔ fɔvā a kī yama a! Nné foe odi. Esī kī yaáte Kristofɔ a kī bayaa ne awā a, ade yasua bikī bawe kī bate be a osi malo a. Yabɔa mbɔdi kī yablɔmena bati a ne asoli a kame.

^{XI} Yī ɔkɔba kī maátunɔ nɔ kale, tatomɔ tɔkpa liti, mbom tomena fotsa wī liti. Odi nye odi kī yakena tuwī ni, Baguma ode yanɛ. Odi nye odi kī yakena tɔkpa ni, etámɔ Baguma eyi ɔsū.

^{XII} Odi nye odi abɔa Demetrio dī wī. Ye ɔbla ale kale wī ne ye akū. Boe malo bɔadi adansie ne ye akū, ade minyina kī letsa a kī bɔale a nye ɔnɔkɔali a.

Yohanes Kawõna Nkaɛ.

^{XIII} Ndeī fɔletsa pii kī mawe kī mabi nɔ, leme nláakɔa fotsa katsɛɛ otse mɔ katsɛɛ mui ntseɛ foe. ^{XIV} Leme mate kado kī owi leláabuna mɔ maamɔ nɔ, lɔkɔa bɔalɔmena ne foe akū anɛ mɔ anɛ.

^{XV} Lukudɔ lena mɔ nɔ.

Nɔ bakɔba flee ne awī awõna nɔ. Wõna boe bakɔba a ɔmɔa ɔmɔa ne awā kakpa boe.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e